



Broj: 10-37- 18470 /18
Sarajevo, 10.05.2018.godine

SKUPŠTINA KANTONA SARAJEVO
-Služba za Skupštinske poslove-

PREDMET: Odgovor na zastupničku inicijativu

Zastupnik Rasim Smajić je na 41. Radnoj sjednici Skupštine Kantona Sarajevo, održanoj 24.04.2018.godine, u okviru tačke Dnevnog reda „Zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, pokrenuo zastupničku inicijativu „Za život sa manje boli“, a u vezi sa obezbjeđenjem senzora za bezbolno i kontinuirano mjerenje nivoa šećera u krvi za djecu i odrasle oboljele od dijabetesa.

U vezi sa pokrenutom inicijativom Ministarstvo zdravstva dostavlja sljedeći

ODGOVOR

Ministarstvo zdravstva Kantona Sarajevo podržava inicijativu da se nabavka senzora za bezbolno i kontinuirano mjerenje nivoa šećera u krvi osigura prvenstveno za djecu, a potom i za odrasle od strane Federalnog zavoda zdravstvenog osiguranja i reosiguranja Federacije BiH, a nakon registracije ovog medicinskog sredstva pri Agenciji za lijekove i medicinska sredstva BiH, čime će se garantovati kontinuitet u snabdjevanju.

Smatramo da ljekari dijabetolozi trebaju dati konačan odgovor o vrsti aparata s obzirom da su dostupne tri vrste aparata, pouzdanosti mjerenja s obzirom da dobijeni podaci služe kao nadopuna, a ne kao zamjena svakodnevnom uobičajenom mjerenju glukoze iz krvi aparatom za kućnu primjenu, odnosno odrediti potrebu i količinu trakica za mjerenje glukometrom, te definisati indikacije za uključivanje ovog aparata, jer se isti ne preporučuje osobama koje zbog smanjena vida i/ili sluha ne primjećuju ili ne razlikuju upozorenja i alarme, tj. nemaju osobu koja bi u tim slučajevima to učinila umjesto njih.

U skladu sa raspoloživim sredstvima, vrstom aparata koja se preporučuje od strane stručnih i kompetentnih osoba, ovisit će i dodatna nabavka senzora koji se završavaju svakih sedam do 15 dana, ovisno od uređaja, te edukaciji ljekara i pacijenata za upotrebu ovih mjerača glukoze u krvi.

Obezbjeđenje insulina i svih drugih lijekova za liječenje dijabetesa je u skladu sa Odlukom o listi lijekova obaveznog zdravstvenog osiguranja Federacije Bosne i Hercegovine (“Službene novine Federacije BiH”, br. 56/13, 74/14, 94/15, 12/16, 25/17, 78/17 i 6/18) i Odlukom o listi lijekova u bolničkoj zdravstvenoj zaštiti Federacije Bosne i Hercegovine (“Službene novine FBiH”, br. 56/13, 94/15, 25/17 i 6/18).



Osiguranici Kantona Sarajevo imaju obezbjeđene sve potrebne lijekove za liječenje dijabetesa, za koje se u Kantonu Sarajevo izdvaja oko 17 miliona KM po VPC cijenama na godišnjem nivou.

Glucagon ampule su uvrštene na Bolničku listu lijekova, a sve pokrenute inicijative ovog Ministarstva za izmjenom navedene liste nisu uvažene od strane Federalnog ministarstva zdravstva.

Odobranje tuđe njege i pomoći oboljelima od dijabetesa sa navršениh 15.godina starosti nije u nadležnosti ovog Ministarstva.

S poštovanjem,

MINISTRICA

Zilha Ademaj dipl.oec

Dostaviti:

- Naslovu
- a/a



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104, Fax: + 387 (0) 33 562-243
Sarajevo, Reisa Džemaludina Čauševića 1

